

Nr. 5014/1 Prot, Datë 06.12.2024

Nr. 1299 Prot, Datë 06.12.2024

UDHËZIM I PËRBASHKËT

PËR MIRATIMIN E STANDARDEVE TEKNIKE TË NEVOJSHME PËR NDËRTIMIN E ÇATIVE TË PASHFRYTËZUESHME

Në mbështetje të pikës 3, të nenit 8, të VKM nr.685 datë 06.11.2024 “Për disa shtesa në vendimin nr.408, datë 13.5.2015, të Këshillit të Ministrave, “Për miratimin e rregullores së zhvillimit të territorit”, të ndryshuar”

UDHËZOJMË:

- Ky udhëzim përcakton standartet teknike për ndërtimin dhe përdorimin e çative të pashfrytëzueshme, me synim sigurinë, funksionalitetin dhe përputhshmërinë me kërkasat ligjore dhe inxhinierike.
- “**Çati e pashfrytëzuar**” i referohet një çatie pa çarje dhe pa hapje dritaresh në sipërfaqen e saj, që nuk është projektuar për të mbajtur ngarkesa të rënda dhe nuk është e destinuar për përdorim të përditshëm nga njerëzit. Karakterizohet nga një formë që nuk lejon levizjen apo përdorimin për aktivitete të përditshme. Kjo lloj çatie është e aksesueshme vetëm për mirëmbajtje dhe inspektim teknik por jo për përdorim të përhershëm apo aktivitete të ndryshme.
- Karakteristikat kryesore të një çatie të pashfrytëzueshme janë:
 - Ngarkesa e projektimit: Çatitë e pashfrytëzushme zakonisht janë projektuar për të mbajtur vetëm ngarkesa minimale si bora, shiu dhe pajisjet e mirëmbajtjes (p.sh kondicionere, sisteme ventilimi).
 - Aksesueshmëria është e kufizuar dhe zakonisht ofrohet vetëm për teknicienë ose për pune mirëmbajtje.
 - Lartësia maksimale e një çatie të pashfrytëzueshme përcaktohet në bazë të faktorëve klimatikë, si dhe karakteristikat e zonës, ndikimi estetik dhe urbanistik, si dhe ruajtja e pamjeve apo respektimi i kufizimeve për të siguruar ndriçim natyror dhe ajrosjen për ndërtesat e tjera.
- Materialet e përdorura për ndërtimin e çative të pashfrytëzueshme, përfshirë betonin, çelikun dhe drurin, duhet të jenë të certifikuara dhe të kenë rezistencën e mjaftueshme për të përballuar ngarkesat e përhershme, duke përfshirë vetë-peshën e çatisë.

5. Çatia duhet të ndërtohet për të përballuar ngarkesat e përkohshme, si era, bora dhe shiu, në përputhje me standartet klimatike të zonës, si dhe ngarkesat aksidentale gjatë mirëmbajtjes.
6. Çatia duhet të jetë e mbrojtur nga depërtimi i ujit për tëshmangur dëmtimet në shtresat e strukturës poshtë saj. Materialet hidroizoluese (membrana bituminoze, membrana sintetike, apo materiale të tjera) duhet të plotësojnë standartet kombëtare ose ndërkombëtare. Ndërtimi i çatisë duhet të përfshijë një sistem të duhur kullimi për të larguar ujin nga sipërfaqja. Materialet duhet të janë rezistente ndaj ekspozimit të gjatë ndaj UV, ngricave dhe ndryshimeve të temperaturës. Gypat dhe kanalet e kullimit duhet të janë të dimensionuara për sasinë maksimale të reshjeve (bazuar në të dhënat klimatike).
7. Izolimi termik duhet të sigurojë mbrojtje nga ndryshimet ekstreme të temperaturës dhe të përmbytjeve standardet e energjisë termike ose rregullat në fuqi për eficiencën energjetike.
8. Materialet dhe shtresat e çatisë duhet të kenë një klasifikim të përshtatshëm ndaj zjarrit, sipas standardeve ndërkombëtare për rezistencën ndaj zjarrit të çative.
9. Për mbrojtjen kundër kondensimit, duhet të sigurohet ventilim i mjaftueshëm për tëshmangur grumbullimin e lagështirës midis shtresave të çatisë.
10. Çatia duhet të ndërtohet për një jetëgjatësi minimale prej 20-30 vitesh, në varësi të materialeve të përdorura dhe kushteve të mirëmbajtjes.

Ky udhëzim hyn në fuqi menjëherë dhe botohet në Fletoren Zyrtare.

DREJTOR I PËRGJITHSHËM I AGJENCISË SË ZHVILLIMIT TË TERRITORIT

Adelajda Roka

DREJTOR I PËRGJITHSHËM I AGJENCISË KOMBËTARE TË PLANIFIKIMIT TË TERRITORIT

Adelina Greca

